

ANNA FRIESEN

Seelische Heelunk

Hauntbuak



LW
Lebenswasser

Seelische Heelunk

Äwasat no Plautdietsch von Lucy Loewen

ANNA FRIESEN

ENHAULT

Enleidunk	1
#1. Wää ekj sie.....	3
#2. Wää Gott es	12
#3. Wua ekj jeistlich sie.....	15
#4. Waut miene jratste Nooten sent.....	18
#5. Met waut ekj kjamf	21
#6. Wuarom ekj de Dinja doo, waut ekj doo.....	25
#7. Wua dise Weedoag häakjemt.....	30
#8. Woo ekj bat hiatoo met dit omjegonen sie	32
#9. Woo ekj de Weedoag kaun no Gott brinjen fa Heelunk.....	36
#10. Woo ekj en jesundet Hoat kaun unjahoolen	37

ENLEIDUNK

„Jesus storf, ons eewjit Läden, un Läden vollopp to jäwen,
hia oppe leed.“ **Johanes 10:10**

Dit wull ekj fa mie selfst un uk fa aundre. Gott naum mie opp ne Reis derch de Wiltniss. De Wiltniss wort dan to en Opperazion Desch. Gott heeld mie von de Weedoag von de Vegonenheit, un sad mie frie von Sklowarie.

Gott well dautselwje fa die. Lot Gott die opp dise Reis derch de Wiltniss nämen.



10 SCHLÄTELS TO SEELISCHE HEELUNK



VESTONEN...

- #1. Wää ekj sie
- #2. Wää Gott es
- #3. Wua ekj jeistisch sie
- #4. Waut miene jratste Nooten sent
- #5. Met waut ekj kjamf
- #6. Wuarom ekj de Dinja doo, waut ekj doo
- #7. Wua dise Weedoag häakjemt
- #8. Woo ekj bat hiatoo met dit omjegenen sie
- #9. Woo ekj de Weedoag kaun no Gott brinjen fa Heelunk
- #10. Woo ekj een jesundet Hoat kaun unjahoolen

DAUT ES WICHTICH, DAUT EKJ MIE SELFST KJANEN LIA.

Met daut Läden kome veschiedne Joarestieden, un doamet uk väl Endanisen. Wan wie lieren kjennen en waut vonne Tiet wie bennen sent, dan kjennen wie lieren woo met de Endanisen om to gonen. Dan woa wie uk bäta vestonen kjennen wuarom wie Dinja doonen waut wie doonen.



WÄA EKJ SIE EN CHRISTUS

VON "LIVING FREE IN CHRIST" -NEIL ANDERSON. 1993, REGAL BOOKS

EKJ SIE EN CHRISTUS AUNJENOMEN...

Johanes 1:12 Ekj sie Gott Sien Kjint.

Johanes 15:15 Ekj sie Christus Sien Frint.

Reema 5:1 Ekj sie jerajcht jemoakt.

1. Korinta 6:17 Ekj sie met Gott vebungen, un een Jeist met Am.

1. Korinta 6:20 Ekj sie fa eenen dieren Pries jekoft; ekj jehia Gott.

Korinta 12:27 Ekj sie en Jliet von Christus Sien Kjarpa.

Efeesa 1:1 Ekj sie heilich.

Efeesa 1:5 Ekj sie hanjenomen aus Gott Sien Kjint.

Efeesa 2:18 Ekj hab en Wajch no dän Voda derch dän Heiljen Jeist.

Kolossa 1:14 Ekj sie jerat un miene Sinden sent aula vejäft.

Kolossa 2:10 Ekj hab daut volle Läwen en Christus.

EKJ SIE EN CHRISTUS SECHA...

Reema 8:1-2 Ekj sie fa emma frie von vedaumt sennen.

Reema 8:28 Ekj weet daut aule Dinja emma toom bastet wirkjen.

Reema 8:33-34 Ekj sie frie von irjent Vedaumen ooda Schult.

Reema 8:35 Mie kaun nuscht von Gott Siene Leew scheeden.

Korinta 1:21 Gott haft mie Faust jesat, enjesääjant, un jestampelt.

Kolossa 3:3 Ekj sie met Christus en Gott vestoaken.

Filippa 1:6 Ekj hab goode Hopninj, daut daut goode Woakj waut Gott en mie aunjefongen haft, woat Hee foadich moaken.

Filippa 3:20 Ekj sie en Himmelsbirja.

2 Timotäus 1:7 Mie es nich en forchtsoma Geist jejäft worden, oba dän Geist von Leew un Krauft un daut ekj mie selbst beherschen kaun.

Hebräa 4:16 Ekj kaun Metleet un Jnod finjen wan mie dee needich fält.

1. Johanes 5:18 Ekj sie von Gott jebuaren, un de Beesa kaun mie nuscht andoonen.

EKJ SIE EN CHRISTUS WIEETVOLL...

Matäus 5:13-14 Ekj sie daut Salt un daut Licht fa de Welt.

Johanes 15:1,5 Ekj sie ne Rank von de rajchte Wienstud, ekj droag Sien Läden.

Johanes 15:16 Ekj sie jewält un aunjestalt Frucht to droagen.

Aposteljeschicht 1:8 Ekj sie Christus Sien perseenelja Zeij.

Korinta 3:16 Ekj sie Gott Sien Tempel.

Korinta 5:17-20 Ekj sie en Veträda fa de Bootschoft von de Veseenunk.

Korinta 6:1 Ekj sie Gott Sien Metoabeida.

Efeesa 2:6 Ekj hab met Christus een Plauz em Himmel.

Efeesa 2:10 Gott haft mie niejeschaufen.

Efeesa 3:12 Ekj hab Moot un Vetruen, em Gloowen no Gott to komen.

Filippa 4:13 Ekj kaun aules derch Christus, dee mie stoakj moakt.

ONS HOAT

Gott muak Menschen aus dree en eent, met een Jeist, ne Seel, un een Kjarpa. Ons Hoat es nich een vieedet Poat von ons. Dise näakjste Varschen wiesen, daut no de Bibel no, es ons „Hoot“ toopjestalt von aule Stekjen von onse Seel – ons Senn, Jefeelen, un Wellen – un daut wichtichste Poat von ons Jeist – ons Jewessen.

Matäus 9:4 „Jesus oba wist waut see dochten un säd to an: Wuarom hab jie soone beese Jedanken em Hoat?“

Denkjen haft met daut Vestaunt to doonen, oba Jesus fruach de Schreftjelieede wuarom see en äare Hoaten denkjen deeden. Dit wiest daut ons Vestaunt es een Poat von ons Hoat.

Aposteljeschicht 11:23 „Aus hee hankjeem un jeseenen haud, waut Gott Siene Jnod jedonen haud, freid hee sikj un spruak an Moot too, daut see dän Harn von gaunzem Hoaten tru bliewen sullen.“

Wua daut sajcht „von gaunzem Hoaten“ meent, daut stoakj ne Entscheidunk moaken waut to doonen, ons Wellen to brucken. Doawääjen wiest dis Varsch ons, daut ons Wellen es en Poat von ons Hoat.

Johanes 16:22 „Doawääjen sent jie nu uk truarich. Oba ekj woa junt wada seenen, un dan woa jie junt von Hoaten freien, un de Freid saul junt kjeena wajchnämen.“

Wie freien ons met onse Jefeelen, un hia see wie daut ons Hoat freit sikj. Dit wiest daut onse Jefeelen sent een Poat von ons Hoat.

Hebräa 10:22 „Dan well wie nu met woarhaftich opprechtjen Hoat un fausten Gloowen no Gott gonen, met jereinichte Hoaten un loos von beesen Jewessen, un ons Kjarpa jewoschen met reinet Wota.“

Dis Varsch wiest daut ons Jewessen es Poat von ons Hoat. Daut eswada en 1. Johanes 3:20 bewäsen: „wan ons Hoat ons veuadeelt.“ Ons Jewessen es daut waut ons beschuldicht ooda vedaumt wan wie orrajcht sent, un doawääjen moakt dis Varsch daut sea kloa daut ons Jewessen es en Poat von ons Hoat.


Dan, no de Bibel no, es ons Hoat nich bloos waut wua wie Jefeelen haben. Daut deit vâl mea, un es von ons Senn, ons Wellen, onse Jefeelen, un ons Jewessen toop jestalt. Ons Hoat kaun denkjen, entscheiden, un rajcht von orrajcht unjascheeden.



EN GOTTES BILT JEMOAKT

Mose 1:26

„Un dan säd Gott: Well wie Menschen moaken, dee soo aus wie sent un ons likjnen. Lot an Macht haben äwa de Fesch em Mää, äwa de Väajel enne Loft, äwa daut Vee un de wille Tieren, un äwa aules waut doa kjriipt.“



1. Tessalonicha 5:23

„Mucht Gott selfst, de Frädens Gott, junt derch un derch heiljen, un junen Jeist un Seel un Kjarpa onbeschädicht un rein bewoaren, bat ons Har Jesus Christus wadakjemt.“

WÄA SIE EKJ EN CHRISTUS?

#2. WÄA GOTT ES

WÄA ES GOTT TO MIE?

- Een leefolja Voda waut bie mie es un Hee jeft waut drom om mie
- Een dolla, onbekjemmada Gott
- Daut jeft kjeen Gott

WÄA ES GOTT NO DE BIBEL NO?

1.Mose 1:1 „Aum Aunfank muak Gott Himmel un leed.“

Johanes 4:24 „Gott es Jeist, un dee Am aunbäden, motten Am em Jeist un en de Woarheit aunbäden.“

Johanes 4:8 „Wäa nich Leew haft, kjant Gott nich, wiels Gott es Leew.“


Mose 3:14 „Un Gott säd to Moses: Ekj sie, dee Ekj sie. Un Hee säd: Soo saust du to de Israeliten sajen: “Ekj sie”, haft mie no juntjeschekjt.“

Kolossa 1:16 „Derch Am muak Gott aules waut em Himmel un oppe leed jemoakt worden es, waut to seenen es un waut nich to seenen es, auf Troonen, Rejierungen, Harschoften un Jewaulten, daut es aules derch Am un fa Am jemoakt.“

GOTT ES DREE EN EENT

2. Korinta 13:13

„Mucht onsem Harn Jesus Christus Siene Jnod un Gott Siene Leew un däm Heiljen Jeist Siene Jemeenschoft met junt aula sennen!“



Gott de Voda — Oolet Testament — Schepfa, Vesorja, Beschitza

Gott de Sän — Nieet Testament — Rada, Heela, Frint

Gott de Heilja Jeist — Aposteljeschicht — Leida, Treesta, Rotjäwa

GOTT KAUN ONS VESTONEN. HEE ES EEN GOTT VOLL METLEET.

Johanes 11:35 „Un Jesus hield.“

Lukas 19:41 „Aus Hee dicht bie kjeem un de Staut sach, hield Hee äwa de Enwona.“

Matäus 9:36 „Un aus Hee daut Volkj sach, jaumad Am daut äwa an, wiels see wieren vejoacht un helploos, soo aus Schop onen Hoad.“

Psalm 86:15 „Du oba, Har Gott, best voll Jnod un Metleet, Du best jeduldich, truhoatich un leefolich.“

#3. WUA EKJ JEISTLICH SIE

GOTT SIEN VELANGEN

Jeremia 29:11

„Ekj hab daut goot äwajedocht, sajcht de Har, un waut Ekj fa junt jeplont hab, es Fräd un Erfolg, un nich Schoden. Ekj well junt eene Tookunft un Hopninj jäwen.“

Äjpten
(Sklow)

Jerat



Wilniss

Jeheelt
Frie jesat
Jelieet
Reed jemoakt
Beaumten



Kanaan
(Soldot)

Deenen
(trigj nämen)
Joel 2:25



JERAT

Aposteljeschicht 2:21 „Un wäaemma dan dän Harn Sien Nomen aunroopt, saul jerat woaren.“

Lukas 19:10 „Wiels de Menschensän es jekomen, dee to sieekjen unseelich to moaken, dee veloaren sent.“

JEHEELT

Psalm 34:19 „De Har es aul dee no aun, dee een jebroaknet Hoat haben, un halpt dee, dee een bedrekjten Jeist haben.“

Psalm 147:3 „Hee heelt, dee een jebroaknet Hoat haben; Hee bebinjt an äare Wunden.“

FRIE JESAT

Reema 6:7 „Wiels wäa jesorwen es, es frie von Sind.“

Johanes 8:36 „Doawäajen, wan de Sän junt frie moakt, sent jie werkjlich frie.“

JELIEET

Lukas 6:40 „Een Lieelinkj steit nich äwa sienen Liera; oba wäa utjelleet es, woat soo sennen aus sien Liera.“

2. Timotäus 2:2 „Un waut du von mie, derch väle äa Zeichnis jehieet hast, daut vetru true Mana aun, dee em Staund sent uk aundre to lieren.“

REED JEMOAKT

Kolossa 3:12 „Jie sent von Gott jewält un heilich, un Hee es junt goot. Aus soone lot junt nu von Gott beschenkjen un trakjt junt Jesus Siene leejenschoften aun: sikj von Hoaten erboarmen, frintlich sennen, deemootich, saunftmootich un jeduldich sennen.“

Jeremia 1:9 „Dan rieekjt de Har met Siene Haunt no mie, un schieed mien Mul aun. Un Hee säd: Horch emol, Ekj jäw die de Wieed, dee du räden saust.“

BEKJRAFTICHT

Aposteljeschicht 1:8 „Oba wan de Heilja Jeist äwa junt komen woat, woa jie Krauft kjrieen, un jie woaren miene Zeijen sennen, en Jerusalem, en gaunz Judäa, en Samaria, un äwa de gaunze Welt.“

Lukas 10:19-20 „Kjikjt emol, Ekj hab junt de Krauft jejäft opp Schlangen un Skorpionen romtoklunjen un äwa dän Fient siene Jewault to stonen; un junt woat daut nuscht schoden. Doch june Freid saul nich doaräwa sennen, daut junt de Jeista unjaddon sent. Freit junt doatoo, daut june Nomes em Himmel jeschräwen stonen.“

DEENEN

1. Petrus 4:10 „Een jiedra saul siene Gow, dee hee jekjräajen haft, brucken dän näakjsten toom gooden to deenen, aus een Vewaulta, dee met Gott Siene Jnodengowen tru omjeit.“

Markus 10:45 „Soogoa de Menschensän kjeem nich, om sikj be-deenen to loten, oba om to deenen, un Sien Läwen to jäwen väle loostokjeepen.“

#4. WAUT MIENE JRATSTE NOOTEN SENT

UTWIESS/IDENTITÄT

DERCH DE ENDANISEN EM LÄWEN, EENDOONT WUA WIE SENT, DE FIENT FEIT JÄAJEN ONS UTWIESS.

0-----12-----20-----40-----65
Jeburt Aunwaussent Utjewossen Meddeljoarich Rustaunt

Reema 1:21-27

DÄN FIENT SIEN ZIEL ES, ONS UTWIESS EN CHRISTUS WAJCH TO STÄLEN. EKJ WOA DOANO LÄWEN, AUS WÄA EKJ JLEEW DAUT EKJ SIE.

Matäus 3:17 „Un eene Stemm vom Himmel säd: Dit es Mien leewa Sän, met Däm Ekj sea tofräd sie.“

JESUS VESTUNT WÄA HEE WIA, UN DAUT JEFOLL GOTT DÄNVODA. MENSCHEN SIEEKJEN ÄAREN UTWIESS EN SOONE DINJA AUS: JELT, BERIEMTHEIT, FÄICKJEIT, KRAUFT, UN JELOT.

Mose 1:27 „Un Gott muak Menschen, dee soo wieren aus Hee, no Sienem Plon. Hee muak Maunsmensch uk Frumensch.“

Korinta 5:17 „Doawäajen, wan wäa en Christus es, dan es hee een niea Mensch. Daut waut hee verhää wia, es nich mea; hee es nu waut nieet jeworden.“

1.Petrus 2:9 „Oba jie sent een utjewäldet Volkj, dän Kjennich Sien Priestatum to sennen, een heiljet Volkj, Gott Sien ieejnet Volkj, daut jie aundre sajen sellen woo wundavoll Dee es, Dee junt utem diestren rut jerat, un en Sien wundaboaret Licht jestalt haft.“

AUNNOM/LEEW

1.Johanes 4:8 „Wäa nich Leew haft, kjant Gott nich, wiels Gott es ons goot.“

Johanes 4:16 „Wie haben daut enjeseenen un jleewen daut, daut Gott ons goot es. Gott es leeftolich, un wäa en dise Leew läft, läften Gott, un en däm blift Gott.“

GOTT ES LEEW, UN ONEN AM WOA WIE EMMA EEN LADJET
JEFEEL EN ONS HABEN. MENSCHEN SENT ERSCHAUFEN
TOOM JELEEFT SENNEN.

SECHAHEIT

Psalms 40:3 „Hee trock mie ut daut jefäadelje Loch un ut dän Somp rut, un stald miene Feet opp een Steen, daut ekj secha go.“

Johanes 14:27 „Fräd lot Ekj junt, Mienen Fräd jäw Ekj junt. Ekj jäw junt nich soo aus de Welt jeft. Lot junt nich daut Hoat beorrujen, un fercht junt nich.“

WAN WIE ONS NICH SECHA FEELEN, FINJEN WIE IRJENT
EEN WAJCH SECHA TO SENNEN, JEWEENLICH EEN
ONJESUNDA WAJCH.

ZWAKJ

Liera 3:1 „Aules haft siene Jeläajenheit; doa es eene Tiet fa jieda Sach oppe leed.“

Efeesa 2:10 „Doadersch, daut wie met Christus Jesus vebungen sent, haft Gott ons niejeschaufen un en eenen Staunt vesat, dautwie goodet doonen kjennen. Nu sell wie uk doano läwen.“

Matäus 28:19-20 „Dan got nu no de Velkja von de Welt un moakt an to Lieelinja un deept an en dän Nomen von däm Voda, von däm Sän un von däm Heiljen Jeist. Lieet an aules to doonen, waut ekj junt befohlen hab. Un velot junt doaropp, ekj sie emma bie junt, batem Enj von de Welt.“

***JLIKJJEWICHT {MALKJ UN HONNICH}**

Mose 3:8a „Un nu sie Ekj jekomen, an von unja de Ägipta äare Jewault to raden. Ekj woa an ut daut Launt rutbrinjen, un an no een goodet un grootet Launt brinjen. Daut es een Launt wua Malkj un Honnich ranen,“



#5. MET WAUT EKJ KJAMF

SEELISCHE WEEDOAG



WAUT FEELST DU?

- Nich jeleeft
 - Auleen
 - Vehaust
 - Nich jeseenen
- Dol jerant
 - Vedaumt
 - Vespatat

- Onrespakjt
- Nich jeschazt
 - Utsecht nich jeschazt
 - Unjajeschazt
 - Wäaren fa die
- Utjenutzt
 - Bedwungen
 - Utjeschämt
 - Jebrukt
- Erwartungen
 - Kaun nuscht rajcht doonen
 - Jerecht
 - Nich jenuach
- Selbst beschuldjen
 - Emma orrajcht
 - Aules miene Schult
 - Die selbst äakjlich

BESCHÄDICHTE VEHELTNISEN

SEELISCHE TRUBBELS

1. Veloten
2. Hinjaloten
3. Utjeschloten
4. Onfeelent
5. Wajchjetroknet Hoat
6. Raufjesat
7. Vestat
8. Utjeschämt
9. Hot
10. Onrespakjt
11. Verot
12. Seelisch meed

DRUCK MOSTA

1. Erwartungen/Benämen
2. Äwaharschunk/Kontroll
3. Utsprääkjen
4. Nich Vetalen
5. Zielpunkt aun sikj selfst
6. Oaja
7. Kjrittisieren/Rechten

JEISTLICHE TRUBBELS

1. Bettanis
2. Weltliche Wieeten
3. Jäajenstaunt/Trigjaun
4. Stoltheit
5. Moralisch Vespälen
6. Vestäakjen/Heichlen

MESJEBRUCK TRUBBELS

1. Fiesisch
2. Seksuell
3. Jeistlich
4. Wuatlich

#6. WUAROM EKJ DE DINJA DOO, WAUT EKJ DOO

Reema 7:15

WUAROM DOO EKJ MIE SELFST, UN AUNDRE SCHODEN AUN?

- | | |
|------------------|-------------------|
| ___ Supen | ___ Ontru sennen |
| ___ Droogen | ___ Stälen |
| ___ Huararie | ___ Pludren |
| ___ Jiezen | ___ Kjrittisieren |
| ___ Ätes Sucht | ___ Rechten |
| ___ Spotten | ___ Schrieen |
| ___ Liecejen | ___ Schnieden |
| ___ Vejewaultjen | |

EKJ JÄW WAUT EKJ HAB

Lukas 6:45 „Een gooda Mensch woat ut daut goode en sien Hoat, goodet verendach brinjen; un een schljachta Mensch brinjt von daut schljachte en sien Hoat, schljachtet verendach. Wiels wuavon daut Hoat voll es, rät daut Mul.“

Matäus 12:34 „Jie Schlangenbroodsel, woo kjenn jie goodet räden wan jie schljacht sent? Wiels wuavon daut Hoat voll es, doavon rät daut Mul.“

TOOM UTFINJEN WUAROM EKJ DE DINJA DOO,
WAUT EKJDOO, MOTT EKJ TRIGJ GONEN
UN MIENE JEDANKEN BESEENEN.

LOAG

Du best en de Kjoakj un jeemaunt wäm du kjanst jeit bie die vebie onen die bejreessen.

UTLAJUNK/JEDANKEN

Hee es äwa mie beleidicht.

Waut hab ekj am verheipts jedonen?

Oda

Hee mott mie nich jeseenen haben. Veleicht haft hee een schwwaren Dach.

JEFEELLEN (EM HOAT UN FIESISCH)

Bekjemmat, besorcht, enjstlich, usw.

Oda

Aunligjent, wellen halpen, usw.

BENÄMEN/WAUT EKJ DOO (POSITIEW OODA NEGATIEW)

Am daut näakjste mol uk bloos vebie gonen.

Oda

Am froagen aus doa irjentwaut es waut ekj doonen kaun.

LOAG

Een Hunt seenen

JEDANKEN

Waut fa en schmocka Hunt!

JEFEELLEN

Schaftich

BENÄMEN

Dän Hunt hoajen

JEDANKEN ERSCHAUFEN **JEFEELLEN**

JEFEELLEN ERSCHAUFEN BENÄMEN

BENÄMEN STOAKJT DE JEDANKEN



Reema 12:2 „Un stalt junt nich soo han aus dise Welt deit. Jie sellen derch june niee Jesennunk veendat woaren, daut jie weeten kjennen, waut Gott Sien Wellen, waut goot, aunjenäm un vollkommen es.“

2. Korinta 10:4-5 „Daut Jereetschoft daut wie toom kjamfen brücken, staumt nich von dise Welt. Daut staumt von Gott, un doawäajen haft daut eene Gotteskrauft en sikj. Daut kaun jeistlichjet Denkjén, daut faulsch un sea faust es, to nuscht moaken. Met daut waut Gott ons toom kjamfen reed stalt, moak wie aule Jedanken to nuscht, un aules waut huach un fromm utlat, oba ons hindat, Gott emma bätä kjanen to lieren. Wie nämen aule Jedanken faust, daut dee Christus jehorchen motten.“

BEKJIKJ DIE DIENE JEDANKEN, UN DU WOASCHT
AUNFANGEN TO VESTONEN, WUAROM DU DAUT DEIST,
WAUT DU DEIST.

Psalm 139:23-24 „Gott, see emol woo daut met mie steit! Unjasieekj mien Hoat; proow mie ut un see, woo ekj daut meen. Un see emol auf ekj opp däm beesen Wajch sie, un leid mie opp däm eewjen Wajch!“

Psalm 77:8-15 „Woat de Har opp eewich vesteeten un kjeene Jnod mea bewiesen? Haft Siene truhoatje Leew dan nu een Enj? Helt Hee sikj nich mea aun Sien Vespräakjen? Haft Gott vejäten Jnod to bewiesen, un em Oaja Sien Metleet trigjehoolen? Un ekj säd: Dit es miene Schwakheit. Dän Aulahechsten Siene rajchte Haunt kaun aules endren. Doawäajen denkj ekj doaraun, waut de Har jedonen haft. Ekj denkj aun Diene väaje Wunda. Un ekj denkj äwa aul Diene Woakjen no, un waut Du nu deist. Gott, Dien Wajch es heilich! Wua es een Gott, soo groot aus ons Gott? Du best dee Gott, Dee doa Wunda deit; Du hast de Velkja Diene Krauft bewäsen.“

BESCHÄDICHTE MENSCHEN BESCHÄDJEN MENSCHEN



En jebroaknet un beschädichtet Hoat es jefelt met Lääjes, waut de Persoon aunjenomen haft aus Woarheit. Een Mensch waut dise Lääjes jleeft, woat negatiwe Dinja doonen un daut woat mea Weedoag brinjen.

WIE JÄWEN AUNDRE MENSCHEN,
WAUT WIE EN ONS HOAT HABEN.

Reema 1:25 „Wiels see Gott Siene Woarheit fa Lääjes vetuscht haben. See doonen daut, waut jemoakt es, leewa aunbäden un deenen, aus Dän, Dee daut jemoakt haft, Dee en Eewichkjeit jeloft es. Amen.“

Filippa 4:8 „Dan to goodalatst, Breeda: Waut Woarheit es, waut toom achten es, waut jerajcht es, waut rein es, waut leeftolich es, waut eenen gooden Roop haft, waut goode leejenschoften haft, waut to lowen es, doamet jäft junt auf en june Jedanken!“

#7. WUA DISE WEEDOAG HÄAKJEMT

Ons Hoat es soo aus een Hus, en Stowen enjedeelt. Jieda Stow haft ne Jeschicht. Jieda Stow es voll Erfoarungen, waut goode, waut schljachte. En eenje Stowen woascht du Sind finjen, un en aundre Weedoag. Jieda Stow mott no jeseenen. Jesus well jierenmet die toop derch jieda Stow gonen. Hee woat die von Sind friesaten un aul diene Weedoag heelen.

Jesaja 53:4-5 „Doch de Krankheit, dee Hee druach, wia onse; daut Lieden, waut ons troff, druach Hee. Oba wie dochten Gott muak Am lieden un bestroft Am. Doch wia Hee wäjjen onse Sinden velazt; Hee bruak unja ons vegonen dol. Opp Am lach de Strof dee ons heel muak; doaderch daut Hee de Schläaj kjrieech, sent wie jesunt.“



#8. WOO EKJ BAT HIATOO MET DIT OMJEGONEN SIE

15 WÄAJ, WAUT MENSCHEN BRUCKEN,
SIKJ TOBESCHITZEN VON MEA WEEDOAG

1. Äa Hoat wajch hoolen

2. Äwaharschunk/Kontroll

3. Oaja

4. Kjrittisieren/rechten

5. Nich vetalen/emma vetalen

6. Wajch gonen

7. Alkohol/Droogen/Jeschlajchtsvekja

8. Oabeit

9. Liecejen

10. Jäajenstaunt

11. Rom sposen

12. Schwierichkjeiten nich beachten

13. Senn moaken von Weedoag

14. Kjarpaliche Endanisen

15. Dachdäachelje Bejäwenheit



#9. WOO EKJ DE WEEDOAG KAUN NO GOTT BRINJEN FA HEELUNK

Psalm 147:3 „Hee heelt, dee een jebroaknet Hoat haben; Hee bebinjt an äare Wunden.“

Psalm 34:18 „De Har es aul dee no aun, dee een jebroaknet Hoat haben, un halpt dee, dee een bedrekjten Jeist haben.“

1. **BÄD** - brinj Gott dee Weedoag
2. **VEJÄW** - lot dän Schuldja loos, en Gott Siene Henj nenn
3. **NÄM DE HEELUNK AUN** - moak dien Hoat op, toom aunnämen
4. **ERFOA FRÄD** - näm Gott Sien Fräd nenn

#10. WOO EKJ EN JESUNDET HOAT KAUN UNJAHOLEN

HAR, DAUT ES WADA PASSIEET...
DIT MOL ES DAUT ERNOA OAJCH...

1. Finj diene sechre Städ - Psalm 91:1
2. Bliw en Jemeenschoft met Gott, vetal aule Dach met Am.
3. Läs Sien Wuat, fooda die selfst.
4. Jemeenschoft met aundre, finj Unjastetunk. Moak de Endanisen waut doa fälen: Hool daut, waut die stoak ja moakt un woa daut loos, waut die schwaka moakt. (Toom Biespel: Jeftje Menschen)





Anna Friesen, Fru to Ben, un Mame to Claudia, Samuel, un Diana, es en Seel-sorja un en Rädna voll von Bejeistrunk, dee doa haft Heelunk jekjrääjen fa äa Hoat. Nu haft see en Velangen, daut aundre dise Heelunk uk erfoaren kjennen. See haft en deepet Velangen, aules waut Gott fa ar haft, to lieren un to erfoaren, un see haft uk en Velangen dit met aundre mettodeelen.

„Een Stäla kjemt bloos, om to stälen, to schlachten un enne Grunt to brinjen. Ekj sie jekomen, daut Läwen to brinjen, un daut see daut vollopp haben sellen.“ Johannes 10:10

Gott well ons äwaflossich säajnen. Wie wonen enne jefolne Welt, wua Weedoag un Lieden emma rom ons sent. Gott haft Heelunk fa ons, wan wie betriept sent. Hee haft Frieheit fa ons, wan wie jebungen sent. Wie kjennen no Am komen fa aules waut ons fält.

En Psalm 81:10 sprachjt Hee ons Moot to, ons Mul wiet optomoaken, soo daut Hee daut fellen kaun.